



## Nýr Landspítali staða framkvæmda og fréttir af verkefninu

- Útboðsþing Samtaka iðnaðarins 2024
- Staða byggingaverkefna í lok febrúarmánaðar
- Nemendur frá særskum Tækniskóla í heimsókn
- Málstofa um upplýsingatækni í nýjum spítala

# Útboðsþing Samtaka iðnaðarins 2024



Það voru tíu opinberir aðilar sem kynntu verklegar framkvæmdir ársins á útboðsþinginu

Samtök iðnaðarins héldu árlegt útboðsþing þann 30. janúar en þingið er haldið í samstarfi við Félag vinnuvélægenda og Mannvirki – félag verktaða. Á þinginu voru kynnt útboð ársins vegna verklegra framkvæmda hjá tíu opinberum aðilum. Gunnar Svavarsson, framkvæmdastjóri NLSH, kynnti helstu framkvæmdaverkefni sem félagið stendur að á árinu.

NLSH stefnir á að bjóða út verkefni fyrir um 21,5 milljarða króna, en það er nokkur aukning frá fyrra ári. Helstu verkefni til útboðs á vegum NLSH eru þakfrágangur og innri frágangur meðferðarkjarna, uppsteypa og utanhlússfrágangur á húsi Heilbrigðisvísindasviðs Háskóla Íslands auk gatna-, veitna- og lóðagerðar við Hringbraut.

Einnig er stefnt að því að bjóða út tvö verkefni utan framkvæmda við Hringbraut, þ.e. framkvæmdaútboð vegna nýbyggingar Grensásdeildar Landspítala og fullnaðarhönnunarverkefni vegna Sjúkrahúss Akureyrar (Sak).

## Staða byggingaverkefna í lok febrúarmánaðar



Um 100 útveggjaklæðningar eru settar upp í viku hverri á meðferðarkjarnann



Í síðustu viku var steyptur lokahlutinn af plötu yfir hæð K2 í bílakjallara. Vinna við veggi á hæð K1 er einnig í gangi

Það er ánægjulegt að uppsteypu meðferðarkjarna sé að ljúka og styttist óðfluga í vorið og betri aðstæður á framkvæmdasvæðinu.

„Uppsteypu meðferðarkjarna er að ljúka, en unnið er að lokafrágangi. Uppsetning útveggjaeininga er komin nokkuð á veg í vesturhluta hússins, þar sem búið er að klæða stöng 1 nánast alla. Verkið er mjög háð veðri og þegar uppsetningin verður komin á fullan skrið má búast við að allt að því 100 útveggjaeiningar fari upp í hverri viku. Hver eining er 1,3 m á breidd og rúmlega 4 metrar á hæð.

Næstu verkefni í meðferðarkjarna eru þakfrágangur, undirbúningur lokafrágangs í kjallara, innréttung efstu hæðanna og tengibrú yfir í Barnaspítala.

Uppsteypa rannsóknahúss er komin á fullt og unnið er að uppslætti og járnun á undirstöðum, ásamt því að hreinsun klappar og þrifalög eru í vinnslu. Áfram er unnið að uppsteypu á bílastæða- og tæknihúsi, ásamt bílakjallara undir Sóleyjartorgi, þar sem unnið er á efri hæð kjallara. Jarðvinna í húsi heilbrigðis- vísindasviðs Háskóla Íslands er að mestu lokið og vinna við uppsteypu hefst á næstunni. Jarðvinna vegna viðbyggingar við Grensásdeild er í fullum gangi. Einnig er unnið að jarðvinnu vegna nýrra heimlagna að núverandi byggingu. Verktaki hefur girt af framkvæmdasvæðið og fljótlega verða sett upp aðgangsstýrð aksturs- og gönguhlið,“ segir Árni Kristjánsson staðarverkfraeðingur NLSH.

# Nemendur frá sænskum Tækni-skóla í heimsókn



Sænsku gestirnir voru ánægðir með heimsóknina

Þann 6.febrúar komu í heimsókn gestir frá byggingasviði Tækni-skólans ásamt sænskum gestum, kennurum og nemendum frá Anders Ljungsted Tækni-skólanum í Linköping.

Gísli Georgsson, verkefnastjóri hjá NLSH kynnti stöðu dagsins í framkvæmdum og að því loknu var gengið um framkvæmdasvæðið í fylgd Árna Kristjánssonar staðarverkfræðings NLSH.

„Heimsóknin byrjaði með kynningu á byggingaframkvæmdunum og sýndu gestir sérstakan áhuga á því hvernig hætta á jarðskjálfta í og við spítalann var leyst, með stólpum sem ganga niður í bergið. Þessi áhugi á jarðskjálftum á sennilega rætur sínar að rekja til jarðskjálfta og eldgosa við Grindavík. Þessar fréttir hafa ratað í fjölmörla víða um heim og ekki síst hjá frændum okkar í Svíþjóð. Hópurinn gekk síðan í vettvangsferð og fannst gestunum mikið um. Hvernig lítil þjóð eins Ísland er, ámóta stór að mannfjölda eins og Malmö svæðið í Svíþjóð getur fjármagnað og byggt slíka byggingu. En aðdáun gestanna á Íslandi jókst mikið við þessa heimsókn,” segir Trausti R. Einarsson kennari við Tækni-skólanum.

# Málstofa um upplýsingatækni í nýjum spítala



Morten Thorkildsen frá Morten Consulting AS var einn fyrirlesara



Málstofan var vel sótt og góður rómur gerður af fyrilestrum


Þann 22. febrúar var haldin málstofa tækni- og þróunarsviðs NLSH á hótel Nordica sem bar yfirskriftina „staða upplýsingatækni á Landspítala í alþjóðlegum samanburði“. Dagskrá málstofunnar var að Morten Thorkildsen frá Morten Consulting AS, hóf fundinn með fyrra erindi sínu „Electronic Medical Record Adoption and IT Infrastructure at Landspítali“. Að því loknu var Svava María Atladóttir, framkvæmdastjóri frá Landspítala, með erindið „Upplýsingatækni í nýjum spítala“. Í kjölfarið var það Hannes Þór Bjarnason, verkefnastjóri hjá NLSH, sem fjallaði um áætlanagerð byggða á HIMSS stöðumati og í lokin var komið aftur að Morten með lokaerindið „Smart hospital“.

„Það var mjög mikilvægt að fá innsýn og endurgjöf frá reyndum aðilum á borð við Morten Thorkildsen og John Rayner frá HIMSS en hann er svæðisstjóri HIMSS í Evrópu og hefur heimsótt og tekið út hundruð sjúkrahúsa um allan heim,“ segir Hannes Þór Bjarnason verkefnastjóri hjá NLSH.

Málstofustjóri var Kristján Sturlaugsson verkefnastjóri hjá NLSH. Fjölmennt var á málstofunni og góður rómur gerður af fyrilestrum og spurningum úr sal.

## Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



### Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson sviðsstjóri framkvæmdasviðs NLSH, 841 7050 eða netfangið [asbjorn@nlsh.is](mailto:asbjorn@nlsh.is)

Aðrar almennar upplýsingar veitir Magnús Heimisson samskiptastjóri NLSH, 866 1378 eða [magnus@nlsh.is](mailto:magnus@nlsh.is)

Sértækar upplýsingar veitir af hálfu Landspítala Andri Ólafsson 863 8595 [andriol@landspitali.is](mailto:andriol@landspitali.is) og frá Háskóla Íslands Björn Gíslason 896 0876 [bgisla@hi.is](mailto:bgisla@hi.is)